



Broj: 13-11-4-3060/25
Sarajevo, 20.05.2025. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU
o poništenju postupka javne nabavke

I

Poništava se postupak javne nabavke „Nabavka lektira, literature i knjiga za potrebe školskih biblioteka novosarajevskih osnovnih škola i odgojno obrazovnih institucija“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-3060/25 od 25.03.2025. godine.

Procijenjena vrijednost javne nabavke sa PDV-om je: 20.000,00 KM (slovima: dvadesethiljada i 00/100 konvertibilnih maraka).

Obavještenje o javnoj nabavci broj: 935-1-1-41-3-121/25 objavljeno je na Portalu javnih nabavki dana 04.04.2025. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispijelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da je do dana 24.04.2025. godine, pristigla ponuda slijedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	SVJETLOSTKOMERC d.d. Sarajevo	19.940,12 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Komisija za javne nabavke roba, radova i usluga je izvršila analizu cijene ponude ponuđača SVJETLOSTKOMERC d.d. Sarajevo, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču SVJETLOSTKOMERC d.d. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača SVJETLOSTKOMERC d.d. Sarajevo nakon ispravke računске greške iznosila je 19.940,82 KM (devetnaest hiljadadevetstotinačetdeset i 82/100 konvertibilnih maraka) KM.

Ponudu ponuđača SVJETLOSTKOMERC d.d. Sarajevo Komisija je ocijenila kao **nepravilnu** iz sljedećeg razloga:

Tenderskom dokumentacijom u tački 8.1.11. navodi se da se kopija ponude se dostavlja zajedno sa originalnom ponudom pri čemu se jasno naznačava „original“ i „kopija“ ponude.

Ponuđač SVJETLOSTKOMERC d.d. Sarajevo je propustio da dostavi kopiju ponude koja je zahtijevana tenderskom dokumentacijom.

Nadalje, tenderskom dokumentacijom u Obrascu za cijenu ponude predviđen je potpis i pečat ponuđača, kao potvrda da su ponuđači saglasni sa iznad ponuđenom robom. Forma Obrasca za cijenu ponude je propisana od strane Agencije za javne nabavke, te ista sadrži potpis ponuđača kao element navedenog dokumenta.

Ponuđač SVJETLOSTKOMERC d.d. Sarajevo je propustio da potpiše Obrazac za cijenu ponude.

Iz naprijed navedenih razloga, ponuda ponuđača SVJETLOSTKOMERC d.d. Sarajevo se nije mogla uzeti u dalje razmatranje.

Komisija za javnu nabavku roba, radova i usluga jednoglasno je predložila Općinskoj načelnici da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom. Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić

DOSTAVLJENO:

- SVJETLOSTKOMERC d.d. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.